



## **Universitätsbibliothek Paderborn**

**Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

4. Fame ad scelera homines co[n]citati.

**urn:nbn:de:hbz:466:1-45701**

## IV.

Prou. 6. 26.

Pers. in. Pro-  
logo.

Iuuenal.

Sigebert. in  
Chron. An.  
1095.

Matth. 4. 2.

## V.

Ouid. lib. 8.  
Metamorph.  
fab. 13.

Vt autem corpus vexat edendi insatiabilis appetitus, ita & animum in multa crimina impellit. Quot mulieres vt habeant, quod edant, pudicitiam vendunt? Preium enim scorti vix est unius panis. Neque enim aues tantum, aut feræ, escæ caussa in retia incident, sed etiam homines.

*Magister artis, ingenij, largitor Venter, quid non audet?*

*Graculus, esuriens in calum jusserris, ibit.*

Fames, prodictionum, perfidiae, latrociniorum, & cuius non maleficij est caussa! Memorat Sigebertus Anno Christi 1095. cùm grauissima vbiique fames inualuisset, mirificè ditiones à pauperibus, per furta, rapinas, incendia, fuisse vexatos. Quam inedia vim cùm non ignoraret, velut catapultam adhibuit ipsi Christo Stygius veterator. Ita enim loquitur Euangelista: *Et cùm jeunasset, quadraginta diebus, & quadraginta noctibus, postea esurit.* Et accedens tentator dixit: *Si Filius Dei es, dic, ut lapides isti, panes fiant.* Quem tamen nec fames, nec tentator vicit, vt ostenderet, nequam panis aut cibi cuiuscumq; caussa vlli suggestioni diabolice esse pareandum.

Quantum sit in fame malum, etiam Poëtæ ostenderunt in poena Erisichthonis, quam illi Dea frugum Ceres immisit à Dryadibus offensis exorata. Fabulam ita describit Ouidius:

*Omnes germanæ Cererem cum vestibus atris  
Marentes adeunt, pœnamq; Erisichthonis orant.  
Annuit his, capitioq; sui pulcherrima motu  
Concupisit granidis oneratos mesibus agros.  
Moliturq; genus pœna miserabile, si non  
Ille suis esset nulli miserabilis actis,  
Pestifera lacerare fame: qua quatenus ipsi  
Non adeunda Dea (neque enim Cereremq;, Famemq;  
Fata coire sinunt) montani numinis unam,  
Talibus agrestem compellat Oreada dictis:  
Est locus extremis Scythia glacialis in oris,  
Triste solum, Sterilia, sine fruge, sine arbore tellus,  
Frigus iners: illic habitant Pallorq;, Tremorq;,  
Et jeuna Fames. ea se in præcordia condat  
Sacrilegi scelerata, jube: nec copia rerum*

Vincæ